

րանս այս յականջս ամբոխին, խռովեալ սատանեցան եւ պաշարեցան յերկիրդ մեծ, եւ խուճապեալ դիմեցին 'ի դրունս տաճարին զերծանիլ արտաքս. 'ի կուտեւ եւ 'ի խոնեւ ամբոխին 'ի դռնամէջս կոխեցան 'ի միմեանց, մեռան բազումք 'ի խռան անդ: Այլ մինչդեռ սոքա խռովեալ և պատաղեալ էին զաղմկաւ իւրեանց, մի ոմն յասպետաց ոստուցեալ եւ 'ի վերայ պարսպին և կանգնեաց անդ զխաչանիչ դրօշն, որով աւետէր զառումն քաղաքին, որում հետեւեւելով և այլոց՝ խուժեցին 'ի ներքս եւ յարձակեալ 'ի տաճար անդ 'ի մզկիթն Ագոսայ՝ կոտորեցին զբազմութիւնս սպաստանելոցն ոգիս իբրեւ 65,000. ըստ տոհմային Պատմագրաց եւ ըստ Արարացոց 70,000, յորոց բազումք 'ի գիտնոց և 'ի մեծամեծաց դասէ էին, թող զայլ խառնիճաղանճս որք մեռան 'ի քաղաքամիջի եւ արտաքոյ նորին եւ 'ի դրունս տաճարին: Ահա այսպէս առսւ մայրաքաղաքն Հրէաստանի յայս նուազ եւս, եւ ազատեցան Ս. Տեղիքն 'ի 15 Յուլիսի 1099 յամին եւ յաւուր Ուրբաթու, զկնի կէս առուր ժամ իբրեւ իններորդ: Յաւելու Արարացի պատմիչն թէ աւարի առին Լատինք ըզզարդս մզկիթաց, որք մնացեալ էին յաւուրց անտի Ապտիւլ Մէլիք Սալիֆային Դամասկոսի, յորս նշանաւոր էին 2040 կանթեղք արծաթի, որոյ մին կշէր 3600 տրամ և մի ջահ 40 լիտր Դամասկոսի. եւ 23 կանթեղք ոսկի. (եթէ չիցէ չափազանց): Յետ այնորիկ մաքրեցին Լատինք զմզկիթան զայնորիկ եւ փոխեցին յեկեղեցի. կանգնեցին սեղան պատարագի 'ի վերայ Սախրայ կոչեցեալ վիմին և Սաչ ոսկեձոյլ 'ի գլուխ գմբէթի նորին: Եւ զկնի ութ առուր կացուցին թագաւոր Երուսաղէմի գնոյն ինքն զկոնդոպրէ եւ նուիրեցին նմա զինակից ասպետքն զթագ ընտելուզեալ ակամբք պատուականօք, այլ նա ոչ երբէք ա՛ռ յանձն կրել զայնպիսի թագ 'ի գլուխ իւր անդ՝ ուր Յիսուս Քրիստոս պսակեալ էր փչեայ թագիւ:

Էսառ Կոնդոպրէ նաեւ զծովեղերեայ քաղաքն Յոսպլացոց եւ պարսպեալ ամրացոյց զնա, ուր նստան եպիսկոպոսք Լատինաց. երաց զդրունս առաջի նորա եւ քաղաքն Սամարացոց, որ ասի Նապլուս: Եւ զկնի տարածեալ զգէնս իւրեանց տիրեցին այլոց գաւառաց և քաղա-